

## ДЭЛХИЙН УЛС ОРНУУДЫН ҮНДСЭН ХУУЛЬД ТӨРИЙН ТЭРГҮҮНИЙ ЭРХ ЗҮЙН СТАТУСЫГ ТОДОРХОЙЛСОН БАЙДАЛ

Ц.Болормаа, Д.Жигваагүнсэл, Б.Нандингэрэл  
Ч.Онончимэг, Д.Халиун

1. Судалгаанд НҮБ-ын 192 орны Үндсэн хуулиудыг судлан тухайн улсын төрийн тэргүүнийг хэрхэн тодорхойлсон талаар болон Үндсэн хуульдаа төрийн тэргүүнийг бүх ард түмний бэлэг тэмдэг, ард түмний эв нэгдийн баталгаа хэмээн тодорхойлсон хуулийн зохицуулалтыг шүүн авч үзлээ. Үүнд:
  - а/ Хаантай - 41 улс Үүнээс:
    - Цог жавхлант Элизабет II /Амбан захирагч/ тэргүүлдэг - 16
    - Эзэн хаан /Хаан, Султан, Эмир, Хунтайж, Их ван, Ханхүү/ тэргүүлдэг - 25
  - б/ Ерөнхийлөгчтэй -143 улс.
  - в/ Бусад /Ерөнхийлөгчтэй боловч төрийн тэргүүний үүргийг тусгайлан заасан субъект/ - 8 улс байна. Үүнд:
    - Дээд удирдагч - Иран, Хойд Солонгос;
    - Улсын дарга - Хятад;
    - Тэргүүлэгчид - Босни-Герцеговин;
    - Үндэсний Шилжилтийн Зөвлөл - Ливи;
    - Шилжилтийн үеийн төрийн тэргүүн - Төв Африкийн Бүгд Найрамдах Улс;
    - Хамтарсан эрх баригч - Андorraгийн Хант Улс;
    - Капитан Регент - Сан-Марино зэрэг болно.
2. Үндсэн хуульдаа төрийн тэргүүн нь үндэсний нэгдмэл байдлыг хангах, эв нэгдлийн бэлэгдэл хэмээн
  - тусгасан - 75
  - тусгаагүй - 117 улс байна.

№	Улсын нэр	Төрийн тэргүүнтэй эсэх /Ерөнхийлөгч, хаан г.м/	Төрийн тэргүүний талаарх Үндсэн хуулийн тодорхойлолт /Ерөнхийлөгч нь бүх ард түмний эв нэгдийн илэрхийлэгч гэдэг утга бүхий заалтыг тодруулах үзэх/	Эв нэгдэл	Тайлбар
1	Австрали	Цог жавхлант Элизабет II  Амбан захирагч	Хатан хааны томилсон Амбан захирагч нь хатан хааны хүссэн хугацаагаар Хамтын нөхөрлөлийн улсад Цог жавхлант хатан хааныг төлөөлнө. Гэвч Үндсэн хуульд заасны дагуу Цог жавхлант хатан хаанд түүний эрх мэдэл, чиг үүргийг шилжүүлнэ. <i>Үндсэн хуулийн 2-р зүйл</i>		
2	Австри	Холбооны Ерөнхийлөгч	Холбооны ерөнхийлөгч нь Холбооны ард түмнээс тэгш эрхийн үндсэн дээр шууд, Үндэсний зөвлөлөөс нууц санал хураалтаар сонгогдоно. <i>Үндсэн хуулийн 60-р зүйл</i>		
3	Азербайжан	Ерөнхийлөгч	I. Ерөнхийлөгч нь Бүгд Найрамдах Азербайжан улсын тэргүүн байна. Ерөнхийлөгч нь дотоод болон гадаад Азербайджан улсын төрийг төлөөлнө. II. Бүгд Найрамдах Азербайджан улсын ерөнхийлөгч нь ард түмний эв нэгдлийн бэлгэ тэмдэг бөгөөд Төрийн залгамж холбоог хангана. <i>Үндсэн хуулийн 8-р зүйл</i>	+	

4	Албани	Ерөнхийлөгч	Бүгд Найрамдах Улсын Ерөнхийлөгч бол төрийн тэргүүн бөгөөд ард түмний эв нэгдлийг илэрхийлнэ. <i>Үндсэн хуулийн 86 зүйл</i>	+	
5	Алжир	Ерөнхийлөгч	Бүгд Найрамдах Улсын Ерөнхийлөгч нь төрийн тэргүүн байх бөгөөд үндэсний эв нэгдлийн бэлгэ тэмдэг байна. <i>Үндсэн хуулийн 70 зүйл</i>	+	
6	Ангол	Ерөнхийлөгч	Бүгд Найрамдах Улсын Ерөнхийлөгч нь төрийн тэргүүн бөгөөд Гүйцэтгэх засаглалын тэргүүн, Анголын зэвсэгт хүчний ерөнхий командлагч байна. <i>Үндсэн хуулийн 108 зүйл</i>		
7	Андоррагийн Хант улс	Хамтарсан эрх баригч  /Co-prince/	1. Андоррагийн төрийн уламжлалын дагуу хамтарсан эрх баригч нар нь төрийн тэргүүний үүргийг хамтран хэрэгжүүлнэ. 2. Хамтарсан эрх баригч нар нь Ургелийн хамба болон Бүгд Найрамдах Франц Улсын Ерөнхийлөгч нар байна. Тэдгээр нь адил тэгш бүрэн эрхтэй байх бөгөөд энэхүү үндсэн хуульд заасан эрх үүргийг хэрэгжүүлэхээр батламжлах буюу тангараг өргөнө. <i>Үндсэн хуулийн 43-44-р зүйл</i>		Францын ерөнхийлөгч болон Ургелийн Хамба хамтран төрийн тэргүүний үүрэг гүйцэтгэнэ.
8	Антигуа Барбуда	Цог жавхлант Элизабет II  Амбан захирагч	Антигуа Барбудагийн Амбан захирагч нь Цог жавхлант хатан хааны томилсон тус улсын харъяат иргэн байх бөгөөд Цог жавхлант хатан хааны хүссэн хугацаагаар Амбан захирагч нь Антигуа Барбуда Цог жавхлант хатан хааныг төлөөлнө. <i>Үндсэн хуулийн 22-р зүйл</i>		Английн хатан хаан Элизабет II-ийн томилсон амбан захирагч төрийн тэргүүн байна.
9	АНУ	Ерөнхийлөгч	-		Үндсэн хуулиар зохицуулаагүй.
10	Арабын Нэгдсэн Эмират Улс	Ерөнхийлөгч	Холбооны дээд зөвлөл нь өөрийн гишүүд дундаас Холбооны Ерөнхийлөгч болон Холбооны Дэд ерөнхийлөгчийн сонгоно. Ерөнхийлөгчийг эзгүйд Дэд ерөнхийлөгч бүрэн эрхийг хэрэгжүүлнэ. <i>Үндсэн хуулийн 51-р зүйл</i> Холбооны дээд зөвлөл нь 40 гишүүнтэй байх бөгөөд дараах байдлаар хуваарилагдана: Абу Даби - 8 суудал Дубай - 8 суудал Шаржа - 6 суудал Рас аль-Хайма - 6 суудал Ажман - 4 суудал Умм аль-Кайвайн - 4 суудал Фужейра - 4 суудал.		
11	Аргентин	Ерөнхийлөгч	Ард түмнээс "Аргентин Үндэстний Ерөнхийлөгч" хэмээн сонгогдсон Ерөнхийлөгч нь үндэсний гүйцэтгэх эрх мэдлийг хэрэгжүүлнэ. <i>Үндсэн хуулийн 87-р зүйл</i>		
12	Ардчилсан Бүгд Найрамдах Конго улс	Ерөнхийлөгч	Бүгд Найрамдах улсын Ерөнхийлөгч нь Төрийн тэргүүн байна. Ерөнхийлөгч нь үндэсний эв нэгдлийн бэлгэ тэмдэг бөгөөд ард түмнээ төлөөлнө... <i>Үндсэн хуулийн 69-р зүйл</i>	+	

13	Армен	Ерөнхийлөгч	Бүгд Найрамдах улсын ерөнхийлөгч нь төрийн тэргүүн байна. Бүгд Найрамдах улсын ерөнхийлөгч нь тусгаар тогтнол, нутаг дэвсгэрийн бүрэн бүтэн байдал, Бүгд Найрамдах Армен улсын аюулгүй байдлын баталгаа мөн. <i>Үндсэн хуулийн 49-р зүйл</i>	+	
14	Афганистан	Ерөнхийлөгч	Исламийн Бүгд Найрамдах Афганистан улсын төрийн тэргүүн нь Ерөнхийлөгч байх бөгөөд Үндсэн хуульд заасны дагуу гүйцэтгэх, хууль тогтоох, шүүхийн салбарт өөрийн эрх мэдлийг хэрэгжүүлнэ... <i>Үндсэн хуулийн 60-р зүйл</i>		
15	Багамын арал	Цог жавхлант Элизабет II  Амбан захирагч	Багамын Амбан захирагч нь Цог жавхлант хатан хааны томилсон тус улсын харъяат иргэн байх бөгөөд Цог жавхлант хатан хааны хүссэн хугацаагаар Багамд Цог жавхлант хатан хааныг төлөөлнө. <i>Үндсэн хуулийн 32-р зүйл</i>		
16	Бангладеш	Ерөнхийлөгч	Ерөнхийлөгч нь Төрийн тэргүүн байх бөгөөд Үндсэн хууль болон бусад хуулиар олгогдсон бүрэн эрхийг хэрэгжүүлж, хуулийн ногдуулсан үүрэг хүлээнэ. <i>Үндсэн хуулийн 48.2-р зүйл</i>		
17	Барбадос	Цог жавхлант Элизабет II  Амбан захирагч	Барбадосын Амбан захирагч нь Цог жавхлант хатан хааны томилсон тус улсын харъяат иргэн байх бөгөөд Цог жавхлант хатан хааны хүссэн хугацаагаар тус албан тушаалд байж Барбадост Цог жавхлант хатан хааныг төлөөлнө. <i>Үндсэн хуулийн 28-р зүйл</i>		
18	Бахрейны Вант улс	Хаан	Бахрейны Вант улс нь удам дамжсан үндсэн хуульт хаант засагтай байх бөгөөд Шейх Иса ибн Салман аль-Халифагаас түүний ууган хүү болох Шейх Хамад ибн Иса аль-Халифа үе залгамжилна. Хаан нь өөрийн үе залгамжлагчаар уугаан хүүгээс өөр хүүгээ томилохоос бусад тохиолдолд ууган хүү нь үе залгамжилна. <i>Үндсэн хуулийн 1-р зүйл</i>		
19	Беларус	Ерөнхийлөгч	Бүгд Найрамдах Беларусь Улсын Ерөнхийлөгч нь төрийн тэргүүн бөгөөд Үндсэн хууль, хүний болон иргэний эрх, эрх чөлөөний баталгаа байна. Ерөнхийлөгч нь ард түмний эв нэгдлийг хангаж, олон улсын байгууллага болон олон улсын харилцаанд Төрийг төлөөлөж, Беларусь улсын дотоод болон гадаад бодлогыг хэрэгжүүлнэ. Ерөнхийлөгч Бүгд Найрамдах Беларусь улсын бие даасан байдал болон үндэсний аюулгүй байдал, газар нутгийн бүрэн бүтэн байдлыг хамгаалж, төрийн эрх мэдлийн байгууллагуудын уялдаа холбоо, төрийн залгамж чанар болон улс төр, эдийн засгийн тогтвортой байдлыг хангана. <i>Үндсэн хуулийн 79-р зүйл</i>	+	

20	Белиз	Цог жавхлант Элизабет II  Амбан захирагч	Амбан захирагч нь Белизийн иргэн байх бөгөөд түүнийг Цог жавхлант хатан хаан томилно. Амбан захирагч нь Цог жавхлант хатан хааны хүссэн хугацаанд тус албан тушаалыг хаших бөгөөд Белизд Цог жавхлант хатан хааныг төлөөлнө. <i>Үндсэн хуулийн 30-р зүйл</i>		
21	Бельгийн Вант Улс	Хаан	Үндсэн хууль дахь хааны эрх мэдлийг Эрхэмсэг дээд Саксен-Кобургийн Леопольд-Георг-Христиан-Фредерикийн шууд бөгөөд хууль ёсны өв залгамжлагч эхлэн төрсний эрхийн зарчмаар залгамжилна. Дээр дурдсан өв залгамжлагч нь Хаан, эсхүл түүний эзгүйд Үндсэн хуульд заасан нөхцөлд үүрэг гүйцэтгэгчийн зөвшөөрөлгүй гэрлсэн тохиолдолд хаан ширээ залгамжлах эрхээ хасуулна. Хаан, эсхүл түүний эзгүйд Үндсэн хуульд заасан үүрэг гүйцэтгэгч нь хаан ширээ залгамжлах эрхийг хоёр танхимын зөвшөөрөлтэйгээр сэргээж болно. <i>Үндсэн хуулийн 85-р зүйл</i>		
22	Бенин	Ерөнхийлөгч	Бүгд Найрамдах Улсын Ерөнхийлөгч нь төрийн тэргүүн байна. Ерөнхийлөгч нь ард түмнээс сонгогдох бөгөөд ард түмний эв нэгдлийн бэлгэ тэмдэг байна. Ерөнхийлөгч нь улсын тусгаар тогтнол, нутаг дэвсгэрийн бүрэн бүтэн байдлын баталгаа болох бөгөөд Үндсэн хууль, олон улсын гэрээг хүндэтгэн сахина. <i>Үндсэн хуулийн 41-р зүйл</i>	+	
23	БНХАУ	Улсын дарга	Ерөнхийлөгч болон Дэд ерөнхийлөгч Ардын Их Хурлаас сонгогдоно. <i>Үндсэн хуулийн 79-р зүйл</i>		Үндсэн хуульдаа төрийн тэргүүн нь хэн байх талаар тодорхой заагаагүй.
24	Болгар	Ерөнхийлөгч	1. Ерөнхийлөгч нь төрийн тэргүүн мөн. Тэрээр олон улсын харилцаанд улс орноо төлөөлөх ба үндэсний нэгдмэл байдлыг хангана. 2. Дэд ерөнхийлөгч нь Ерөнхийлөгчийн аливаа үйл хэрэгт тусална. <i>Үндсэн хуулийн 92-р зүйл</i>	+	
25	Босни-Герцеговины Холбоо	Тэргүүлэгчид	Босни-Герцеговины Тэргүүлэгчид нь гурван гишүүдээс бүрдэнэ. Холбооны нутаг дэвсгэрээс шууд сонгогдсон нэг Хорват, нэг Серби болон Спрскагийн Бүгд Найрамдахаас шууд сонгогдсон нэг тэргүүлэгч тус тус Тэргүүлэгчдийг бүрдүүлнэ. <i>Үндсэн хуулийн 5-р зүйл</i>		3 гишүүнээс бүрдсэн Тэргүүлэгчдийн зөвлөл төрийн тэргүүний үүргийг гүйцэтгэнэ.
26	Бруней Даруссалам улс	Султан	1. Бруней Даруссалам улсын гүйцэтгэх дээд эрх мэдэл нь Цог Жавхлант Султан Янг диПертуанд байна. 1а. Цог Жавхлант Султан Янг диПертуан нь Ерөнхий сайд байна. 1б. Цог Жавхлант Султан Янг диПертуан нь Брунейн Хааны Зэвсэгт хүчний дээд Командлагч байна. <i>Үндсэн хуулийн 4-р зүйл</i>		

27	Буркина Фасо	Ерөнхийлөгч	Фасогийн Ерөнхийлөгч төрийн тэргүүн байна. Ерөнхийлөгч нь Үндсэн хуулийг дээдлэн Төрийн бодлогын үндсэн чиглэлийг тодорхойлно. Ерөнхийлөгч нь Үндэсний эв нэгдлийн баталгаа мөн. Ерөнхийлөгч нь улсын тусгаар тогтнол, газар нутгийн бүрэн бүтэн байдал, Төрийн тасралтгүй залгамж чанарын баталгаа бөгөөд олон улсын гэрээг хүндэтгэн сахина. <i>Үндсэн хуулийн 36-р зүйл</i>	+	
28	Бурунди	Ерөнхийлөгч	Бүгд Найрамдах Улсын Ерөнхийлөгч нь төрийн тэргүүн, ард түмний эв нэгдлийн бэлгэдэл бөгөөд Үндсэн хуулийг дээдлэн сахиж, Төрийн тасралтгүй залгамж чанарыг ханган, төрийн институцын байнгын үйл ажиллагааг батлан даана. <i>Үндсэн хуулийн 35-р зүйл</i>	+	
29	Бутаны Вант улс	Хаан	Бутаны Эзэн Хаан Druk Gyalpo (Луу Хаан) нь төрийн тэргүүн бөгөөд Бутаны вант улсын ард түмний эв нэгдлийн бэлгэ тэмдэг байна. <i>Үндсэн хуулийн 2.1-р зүйл</i>	+	
30	Бүгд Найрамдах Боливи улс	Ерөнхийлөгч	Гүйцэтгэх эрх мэдэл нь улсын Ерөнхийлөгч, дэд ерөнхийлөгч, төрийн сайд нараас бүрдэнэ. <i>Үндсэн хуулийн 165-р зүйл</i>		Ерөнхийлөгч нь төрийн тэргүүн байх боловч Үндсэн хуульдаа яг үгчлэн заагаагүй байна.
31	Бүгд Найрамдах Ботсван улс	Ерөнхийлөгч	Бүгд Найрамдах Ботсван Улсын Ерөнхийлөгч нь төрийн тэргүүн байна. <i>Үндсэн хуулийн 30-р зүйл</i>		
32	Бүгд Найрамдах Конго улс	Ерөнхийлөгч	Бүгд Найрамдах Улсын Ерөнхийлөгч нь Төрийн тэргүүн байна. Ерөнхийлөгч нь үндэсний эв нэгдлийг бэхжүүлнэ... <i>Үндсэн хуулийн 56-р зүйл</i>	+	
33	Бүгд Найрамдах Чех улс	Ерөнхийлөгч	Бүгд Найрамдах улсын Ерөнхийлөгч нь Төрийн тэргүүн байна. <i>Үндсэн хуулийн 54-р зүйл</i>		
34	Вануату	Ерөнхийлөгч	Бүгд Найрамдах Вануату Улсын Ерөнхийлөгч нь төрийн тэргүүн бөгөөд ард түмний эв нэгдлийг бэлгэдэл байна. <i>Үндсэн хуулийн 33-р зүйл</i>	+	
35	Венесуэль	Ерөнхийлөгч	Бүгд Найрамдах Улсын Ерөнхийлөгч нь төрийн болон гүйцэтгэх эрх мэдлийн тэргүүн бөгөөд Засгийн газрын тэргүүний хувьд засгийн газрын үйл ажиллагааг удирддаг. <i>Үндсэн хуулийн 226-р зүйл</i>		
36	Вьетнам	Ерөнхийлөгч	Бүгд Найрамдах Социалист Вьетнам Улсын Ерөнхийлөгч нь төрийн тэргүүн бөгөөд гадаад болон дотоодод улсаа төлөөлнө. <i>Үндсэн хуулийн 86-р зүйл</i>		

37	Габон	Ерөнхийлөгч	Улсын Ерөнхийлөгч нь төрийн тэргүүн мөн. Тэрээр үндсэн хуулийн хэрэгжилтийг хянан сахиж, өөрийн үүрэг үйл ажиллагаагаараа төрийн засаглалын тогтвортой үйл ажиллагаа ба төрийн тогтвортой байдлын баталгаа байна. Ерөнхийлөгч нь үндэсний тусгаар тогтнол, нутаг дэвсгэрийн бүрэн бүтэн байдал, олон улсын гэрээний биелэлтийн баталгаа мөн. <i>Үндсэн хуулийн 8-р зүйл</i>	+	
38	Гайана	Ерөнхийлөгч	Хамтын нөхөрлөлийн Гайана улс нь Ерөнхийлөгчтэй байх ба, тэрээр төрийн тэргүүн, гүйцэтгэх засаглалын тэргүүн, улсын зэвсэгт хүчний дээд командлагч мөн. <i>Үндсэн хуулийн 89-р зүйл</i>		
39	Гайти	Ерөнхийлөгч	Гүйцэтгэх эрх мэдлийг: а.Төрийн тэргүүн, улсын Ерөнхийлөгч b.Ерөнхий сайдын тэргүүлсэн Засгийн газар тус тус хэрэгжүүлнэ. <i>Үндсэн хуулийн 133-р зүйл</i>		
40	Гамби	Ерөнхийлөгч	Гамби улс нь Ерөнхийлөгчтэй байх ба, тэрээр төрийн тэргүүн, Засгийн газрын тэргүүн, Зэвсэгт хүчний дээд командлагч мөн. <i>Үндсэн хуулийн 61-р зүйл</i>		
41	Гана	Ерөнхийлөгч	Гана улс нь Ерөнхийлөгчтэй байх ба, тэрээр Төрийн тэргүүн, Засгийн газрын тэргүүн, Ганын зэвсэгт хүчний дээд командлагч мөн. <i>Үндсэн хуулийн 57-р зүйл</i>		
42	Гватемал	Ерөнхийлөгч	Ерөнхийлөгч нь Гватемалын төрийн тэргүүн мөн бөгөөд тэрээр гүйцэтгэх эрх мэдлийг ард түмний мандатаар эдэлнэ. Ерөнхийлөгч нь бүх сайд нартай зөвлөлдөн эсхүл тусдаа тэдгээрийн нэг буюу түүнээс дээш сайд нартай зөвлөлдөн ажиллаж Армийн Ерөнхий командлагч байх ба, үндэстний эв нэгдлийг төлөөлж, улсын нийт хүн амын ашиг сонирхолыг ямагт харгалзана. <i>Үндсэн хуулийн 182-р зүйл</i>	+	
43	Гвиней	Ерөнхийлөгч	Ерөнхийлөгч бол төрийн тэргүүн мөн. Тэрээр Сайд нарын Зөвлөлөө тэргүүлнэ. Тэрээр үндсэн хууль, олон улсын гэрээ хэлэлцээр, шүүхийн хууль, шийдвэрүүдийг хүндэтгэн биелүүлэлтийн баталгаа болно. Тэрээр төрийн захиргааны тогтвортой үйл ажиллагаа, төрийн тогтвортой байдлын баталгаа мөн. Тэрээр улс үндэсний бодлогыг тодорхойлогч, биелэлтийг нь хянагч мөн. Тэрээр үндэсний эв нэгдлийн бэлгэдэл мөн. Улсын Ерөнхийлөгч нь улс төрийн намуудын дээр байна. <i>Үндсэн хуулийн 45-р зүйл</i>	+	

44	Гвиней Бисау	Ерөнхийлөгч	Төрийн Зөвлөлийн Ерөнхийлөгч нь төрийн тэргүүн, засгийн газрын тэргүүн, Ардын хувьсгалт Цэргийн дээд командлагч мөн. Тэрээр Гвиней Бисау улсыг төлөөлнө. <i>Үндсэн хуулийн 65-р зүйл</i>		
45	Герман	Ерөнхийлөгч	1. Холбооны Ерөнхийлөгч нь олон улсын эрх зүйн асуудлаар Холбооны улсыг төлөөлнө. Холбооны Ерөнхийлөгч нь Холбооны нэрийн өмнөөс олон улсын гэрээ байгуулах бөгөөд дипломат төлөөлөгчдийг томилж, бусад улсын дипломат төлөөлөгчдийг хүлээн авна. <i>Үндсэн хуулийн 59-р зүйл</i>		
46	Гондурас	Ерөнхийлөгч	Гүйцэтгэх эрх мэдлийг ард түмнийг төлөөлж, ард түмний тусын тулд Улсын Ерөнхийлөгч, түүний эзгүйд Дэд Ерөнхийлөгч хэрэгжүүлнэ. <i>Үндсэн хуулийн 235-р зүйл</i>		
47	Грек	Ерөнхийлөгч	Бүгд Найрамдах Улсын Ерөнхийлөгч нь Бүгд Найрамдах Улсын институцийн ажиллагааг хангана. Тэрээр Үндсэн хуулийн 32, 33-р зүйлд заасны дагуу Парламентаас 5 жилийн хугацаагаар сонгогдоно. <i>Үндсэн хуулийн 30-р зүйл</i>		
48	Гренада	Цог жавхлант Элизабет II  Амбан захирагч	Гренадыг Амбан захирагч удирдах ба, түүнийг Цог жавхлант Хатан хаан томилж, өөрийн таалсан хугацаагаараа ажиллуулах ба, тэрээр Гренада дахь хатан хааны төлөөлөгч мөн. <i>Үндсэн хуулийн 19-р зүйл</i>		
49	Гүрж	Ерөнхийлөгч	Гүрж улсын Ерөнхийлөгч бол Гүржийн төрийн тэргүүн, улс үндэстний тусгаар тогтнол ба улсын нэгдмэл байдлын баталгаа мөн. <i>Үндсэн хуулийн 69-р зүйл</i>	+	
50	Данийн Вант Улс	Хаан	Хаан болон парламент (Folketinget) хамтран хууль тогтоох эрх мэдлийг хэрэгжүүлнэ. Гүйцэтгэх эрх мэдэл Хаанд хадгалагдана. <i>Үндсэн хуулийн 3-р зүйл</i>		
51	Доминика	Ерөнхийлөгч	18. Доминика улсын Ерөнхийлөгч нь Танхим (парламентын доод танхим)-аас 5 жилийн хугацаагаар томилогдоно. 29. Доминика улсын парламент нь Ерөнхийлөгч болон Ассамблейн Танхимаас бүрдэнэ. <i>Үндсэн хуулийн 18, 29-р зүйл</i>		Төрийн тэргүүн хэн байх талаар Үндсэн хуульд тусгайлан заагаагүй.
52	Доминиканы Бүгд Найрамдах Улс	Ерөнхийлөгч	Гүйцэтгэх эрх мэдлийг улсын Ерөнхийлөгч ард түмний нэрийн өмнөөс энэ Үндсэн хууль болон бусад хуульд заасанчлан төрийн болон засгийн газрын тэргүүний хувиар хэрэгжүүлнэ. <i>Үндсэн хуулийн 122-р зүйл</i>		

53	Египет	Ерөнхийлөгч	Улсын Ерөнхийлөгч бол төрийн тэргүүн, гүйцэтгэх засаглалын тэргүүн мөн. Тэрээр ард түмнийхээ ашиг сонирхолыг харгалзаж, улс үндэстнийхээ тусгаар тогтнол, нутагт дэвсгэрийн нэгдмэл ба аюулгүй байдлыг хамгаалж Үндсэн хуульд заасанчлан өөрийн эрх мэдлийг хэрэгжүүлнэ. <i>Үндсэн хуулийн 139-р зүйл</i>	+	
54	Жибути	Ерөнхийлөгч	Бүгд Найрамдах улсын Ерөнхийлөгч нь Төрийн тэргүүн байна. Ерөнхийлөгч нь үндэсний эв нэгдлийн илэрхийлэгч бөгөөд Төрийн залгамж чанарын баталгаа мөн... <i>Үндсэн хуулийн 22-р зүйл</i>	+	
55	Зимбабве	Ерөнхийлөгч	Улсын Ерөнхийлөгч нь Засгийн газрын тэргүүн бөгөөд Зэвсэгт хүчний ерөнхий командлагч байна. 2/ Ерөнхийлөгч нь а. Зимбабве улсын бүх ард түмний сайн сайхан, үндэстний эв нэгдэл, энх тайвныг дэмжих; ... <i>Үндсэн хуулийн 89, 90-р зүйл</i>	+	
56	Замби	Ерөнхийлөгч	1/ Замбийн Ерөнхийлөгч нь төрийн тэргүүн, Засгийн газрын тэргүүн бөгөөд Зэвсэгт хүчний ерөнхий командлагч байна. <i>Үндсэн хуулийн 33-р зүйл</i>		
57	Зүүн Тимор	Ерөнхийлөгч	1. Бүгд Найрамдах Ардчидсан Зүүн Тимор Улсын Ерөнхийлөгч нь төрийн тэргүүн, үндэсний тусгаар тогтнол, төрийн, ардчилсан байгууллагуудын байнгын үйл ажиллагааны эв нэгдлийн бэлгэдэл, баталгаа юм. <i>Үндсэн хуулийн 74-р зүйл</i>	+	
58	Йемен	Ерөнхийлөгч	а/ Бүгд Найрамдах Улсын Ерөнхийлөгч нь төрийн тэргүүн бөгөөд Үндсэн хуульд заасны дагуу сонгогдоно. Бүгд Найрамдах Улсын Ерөнхийлөгч нь Үндсэн хуулиа дээдлэн, үндэсний эв нэгдлийг хамгаална. <i>Үндсэн хуулийн 106, 110-р зүйл</i>	+	
59	Израиль	Ерөнхийлөгч	Ерөнхийлөгч нь төрийн тэргүүн мөн. <i>Үндсэн хуулийн 1-р зүйл</i>		
60	Индонез	Ерөнхийлөгч	1.Индонез Улсын Ерөнхийлөгч нь үндсэн хуулийн дагуу засгийн газрын эрх мэдлийг хэрэгжүүлнэ. 2.Өөрийн үүргийг гүйцэтгэхэд нь Ерөнхийлөгчид Дэд Ерөнхийлөгч туслана. <i>Үндсэн хуулийн 4-р зүйл</i>		
61	Йордан	Эзэн хаан	Йорданы Хашимитын Вант Улсын хаан ширээг Абдуллах ибн аль-Хуссейн хааны эрэгтэй угсаа залгамжлагчид залгамжилна. <i>Үндсэн хуулийн 28-р зүйл</i>		

62	Ирак	Ерөнхийлөгч	Бүгд Найрамдах Улсын Ерөнхийлөгч бол төрийн тэргүүн, улс орны эв нэгдэл, тусгаар тогтнолын бэлэг тэмдэг мөн. Тэрээр Үндсэн хуульд заасны дагуу Үндсэн хуулийн хариуцлага болон Иракийн тусгаар тогтнол, бүрэн эрхт байдал, эв нэгдлийг хадгалах, нутаг дэвсгэрийн аюулгүй байдлын баталгаа мөн. <i>Үндсэн хуулийн 67-р зүйл</i>	+	
63	Иран	Дээд удирдагч	Ерөнхийлөгч нь Удирдагчийн албаны дараа орох улсын хамгийн дээд албан тушаалтан мөн. Түүний үүрэг хариуцлага нь үндсэн хуулийг хэрэгжүүлэх, Удирдагч (ийн алба)-тай шууд хамааралтайгаас бусад бүх асуудалд гүйцэтгэх засаглалын тэргүүн байна. <i>Үндсэн хуулийн 113-р зүйл /5-р зүйл, 57-р зүйл/</i>		
64	Ирланд	Ерөнхийлөгч	Ирланд нь Ерөнхийлөгчтэй байна (Uachtarán na hÉireann), цаашид Ерөнхийлөгч хэмээнэ. Тэрээр төрийн албаны бусад бүх хүмүүсээс дээд нэгэн бөгөөд Үндсэн хууль болон бусад хуулиар Ерөнхийлөгчид олгосон эрх мэдэл, үүргийг гүйцэтгэнэ. <i>Үндсэн хуулийн 12-р зүйл</i>		
65	Исланд	Ерөнхийлөгч	Альтинг ба Исландын Ерөнхийлөгч нь хууль тогтоох эрх мэдлийг хамтран хэрэгжүүлнэ. Ерөнхийлөгч ба энэ хууль болон бусад хуульд заасан засгийн газрын албадууд нь гүйцэтгэх эрх мэдлийг хэрэгжүүлнэ. <i>Үндсэн хуулийн 2-р зүйл</i>		
66	Испани	Хаан	Хаан нь төрийн тэргүүн, ард түмний эв нэгдэлийн бэлэг тэмдэг юм. Тэрээр олон улсын харилцаанд Испани Улсыг бүрэн эрхтэй төлөөлөх бөгөөд Үндсэн хууль болон бусад хууль тогтоомжид олгосон чиг үүргийг хэрэгжүүлнэ. <i>Үндсэн хуулийн 56-р зүйл</i>	+	
67	Итали	Ерөнхийлөгч	Улсын Ерөнхийлөгч бол төрийн тэргүүн бөгөөд үндэсний эв нэгдлийн илэрхийлэл мөн. <i>Үндсэн хуулийн 87-р зүйл</i>	+	
68	Их Британи Умард Ирландын Нэгдсэн Вант Улс	Цог жавхлант Элизабет II	Хаан ширээ залгамжлах тухай хууль 2013-ийн талбарын 6-д: ИБУИНВУ болон Хамтын Нөхөрлөлийн бусад 15 орны төрийн тэргүүн Эрхэмсэг дээд Хатан Хаан мөн. <sup>24</sup>		
69	Кабо Верде	Ерөнхийлөгч	Бүгд Найрамдах Улсын Ерөнхийлөгч нь төрийн болон ард түмний эв нэгдэл, нутаг дэвсгэрийн бүрэн бүтэн байдал, улсын тусгаар тогтнолын баталгаа байна. Ерөнхийлөгч нь Үндсэн хууль болон олон улсын гэрээний биелэлтийг сахин хамгаална. <i>Үндсэн хуулийн 137-р зүйл</i>	+	

<sup>24</sup> <http://www.legislation.gov.uk/ukpga/2013/20/notes/division/3>

70	Казахстан	Ерөнхийлөгч	1.Казакстан Улсын Ерөнхийлөгч нь төрүүн тэргүүн, төрийн дотоод ба гадаад бодлогын үндсэн чиг шугамыг тодорхойлогч хамгийн дээд албан тушаалтан, Казакстаныг дотоод ба гадаад харилцаанд төлөөлөгч мөн. 2. Улсын Ерөнхийлөгч нь ард түмний эв нэгдэл, төрийн эрх мэдэл, үндсэн хууль болон иргэний, хувь хүний эрх, эрх чөлөө зөрчигдөхгүй байхын бэлгэдэл бөгөөд баталгаа мөн. 3. Улсын Ерөнхийлөгч нь өөрийн үйл ажиллагаагаараа төрийн эрх мэдлийн бүх салбарын үүрэг, үйл ажиллагааны тууштай байдал, эрх барих байгууллагуудын ард түмний өмнө хүлээх үүрэг хариуцлагын баталгаа мөн. <i>Үндсэн хуулийн 40-р зүйл</i>	+	
71	Камбожийн Вант улс	Хаан	Хаан нь төрийн тэргүүн бөгөөд халдашгүй дархан байна. Камбожийн хаан нь ард түмний эв нэгдэл, үүрд мөнхийн бэлгэ тэмдэг байна. Хаан нь үндэсний тусгаар тогтнол, Камбожийн Вант улсын бүрэн эрхт байдал, нутаг дэвсгэрийн бүрэн бүтэн байдал, иргэдийн эрх, эрх чөлөө, олон улсын гэрээний баталгаа мөн. <i>Үндсэн хуулийн 7 болон 8-р зүйл</i>	+	
72	Камерун	Ерөнхийлөгч	1.Бүгд Найрамдах Улсын Ерөнхийлөгч нь төрийн тэргүүн байна. 2. Бүх ард түмнээс сонгогдсон Ерөнхийлөгч нь ард түмний эв нэгдлийн бэлгэ тэмдэг байна... <i>Үндсэн хуулийн 5-р зүйл</i>	+	
73	Канад	Цог жавхлант Элизабет II Амбан захирагч	Хааны цол хэргэмийн тухай хууль /Royal Style and Titles Act 1985/ <sup>25</sup>		
74	Катар	Хаан	Ханхүү нь төрийн тэргүүн байх бөгөөд халдашгүй, дархан байна. Ханхүү нь зэвсэгт хүчний ерөнхий командлагч бөгөөд түүний шууд удирдлага дор ажиллах Зөвлөлөөр дамжуулж бүх шийдвэрийг гаргана. <i>Үндсэн хуулийн 64, 65-р зүйл</i>		
75	Кени	Ерөнхийлөгч	Ерөнхийлөгч нь: а. Төрийн болон Засгийн газрын тэргүүн с. Кенийн Зэвсэгт хүчний командлагч е.Үндэсний эв нэгдлийн бэлэг тэмдэг <i>Үндсэн хуулийн 131-р зүйл</i>	+	
76	Кипр	Ерөнхийлөгч	Бүгд Найрамдах улсын Ерөнхийлөгч нь Төрийн тэргүүн байх бөгөөд дээд эрх мэдлийг хэрэгжүүлнэ. <i>Үндсэн хуулийн 36-р зүйл</i>		
77	Колумби	Ерөнхийлөгч	Бүгд Найрамдах Улсын Ерөнхийлөгч нь ард түмний эв нэгдлийн бэлгэ тэмдэг байна. Бүгд Найрамдах улсын Ерөнхийлөгч нь удирдлагын дээд эрх мэдлийг хэрэгжүүлэх бөгөөд Төрийн тэргүүн, засгийн газрын тэргүүн байна. <i>Үндсэн хуулийн 188, 189-р зүйл</i>	+	

<sup>25</sup> <http://laws.justice.gc.ca/eng/acts/R-12/page-1.html>

78	Коморосын Холбооны улс	Ерөнхийлөгч	Холбооны Ерөнхийлөгч нь үндэсний эв нэгдлийн бэлгэ тэмдэг байна. ... Холбооны Ерөнхийлөгч нь засгийн газрын тэргүүн байна. <i>Үндсэн хуулийн 12-р зүйл</i>	+	
79	Коста Рика	Ерөнхийлөгч	Бүгд Найрамдах улсын Ерөнхийлөгч болон Засгийн газрын сайд нар хамтран ард түмний нэрийн өмнөөс Гүйцэтгэх эрх мэдлийг хэрэгжүүлнэ. <i>Үндсэн хуулийн 130-р зүйл</i>		Төрийн тэргүүн хэн байх талаар тодорхой заалт Үндсэн хуульд байхгүй.
80	Кот д'Ивуар	Ерөнхийлөгч	Бүгд Найрамдах улсын Ерөнхийлөгч нь Төрийн тэргүүн байна. Ерөнхийлөгч нь үндэсний эв нэгдлийн бэлгэ тэмдэг байна... <i>Үндсэн хуулийн 34 зүйл</i>	+	
81	Кирибати	Ерөнхийлөгч	Кирибати нь Ерөнхийлөгчтэй байх ба түүнийг Беретитенти (Beretitenti) гэнэ. 2. Беретитенти нь Төрийн тэргүүн ба Засгийн газрын тэргүүн мөн. <i>Үндсэн хуулийн 81-р зүйл</i>		
82	Куба	Ерөнхийлөгч	Төрийн зөвлөлийн Ерөнхийлөгч нь Төрийн тэргүүн болон Засгийн газрын тэргүүн байна. <i>Үндсэн хуулийн 74-р зүйл</i>		
83	Кувейт	Эмир	Кувейт нь Мубарак Аль Сабахын удмын угсаа залгамжлагч Эмирт улс мөн. <i>Үндсэн хуулийн 4-р үйл</i>		
84	Кыргызстан	Ерөнхийлөгч	1.Ерөнхийлөгч нь төрийн тэргүүн мөн. 2. Ерөнхийлөгч нь ард түмэн, төрийн эрх мэдлийг эв нэгдлийн бэлэг тэмдэг мөн. <i>Үндсэн хуулийн 60-р зүйл</i>	+	
85	Лаос	Ерөнхийлөгч	Төрийн Ерөнхийлөгч нь Бүгд Найрамдах Ардчилсан Лаос Ард Улсын төрийн тэргүүн бөгөөд дотоодод болон гадаадад Лаосын олон үндэстэн ард түмний төлөөлөгч мөн. <i>Үндсэн хуулийн 65-р зүйл</i>		
86	Латви	Ерөнхийлөгч	Ерөнхийлөгч нь олон улсын харилцаанд төрийг төлөөлж, Латвийн дипломат төлөөлөгчдийг томилж, бусад улсын дипломат төлөөлөгчдийг хүлээн авна. Ерөнхийлөгч нь олон улсын хэлэлцээрт нэгдэн орохтой холбоотой Саеямагийн шийдвэрүүдийг хэрэгжүүлнэ. 42-р зүйл. Ерөнхийлөгч нь Латвийн Зэвсэгт хүчний ерөнхий командлагч мөн. Дайны цагт Ерөнхийлөгч нь дээд командлагчийг томилно. <i>Үндсэн хуулийн 41-р зүйл</i>		
87	Лесото	Хаан	Хаан нь Үндсэн хуульт эзэн хаант Лесото улсын төрийн тэргүүн мөн. <i>Үндсэн хуулийн 44-р зүйл</i>		

88	Либерии	Ерөнхийлөгч	Улсын гүйцэтгэх эрх мэдлийг Ерөнхийлөгч эдлэх ба, тэрээр Либерийн төрийн тэргүүн, засгийн газрын тэргүүн, зэвсэгт хүчний ерөнхий командлагч мөн. <i>Үндсэн хуулийн 50-р зүйл</i>		
89	Ливан	Ерөнхийлөгч	Улсын Ерөнхийлөгч нь Төрийн удирдагч бөгөөд улс орны эв нэгдлийн бэлгэдэл мөн. Тэрээр үндсэн хуулийг дээдэлж, Ливаны тусгаар тогтнол, түүний эв нэгдэл, газар нутгийн бүрэн бүтэн байдлыг хангана. Тэрээр Батлах Хамгаалахын дээд зөвлөлийг даргална, Сайд нарын Зөвлөлийн эрх мэдэлд байх зэвсэгт хүчний Ерөнхий командлагч мөн. <i>Үндсэн хуулийн 49-р зүйл</i>	+	
90	Ливи	Үндэсний Шилжилтийн Зөвлөл	Ливийн төрийн хамгийн дээд эрх мэдэл Үндэсний Шилжилтийн Зөвлөлд байх бөгөөд энэ нь төрийн ерөнхий бодлогыг тодорхойлох, хууль тогтоох зэрэг бүрэн эрхийг хэрэгжүүлнэ. Энэ бол 2-р сарын 17-ны хувьсгалаар Ливийн ард түмний цорын ганц хууль ёсны төлөөлөл мөн. Энэ нь үндэсний эв нэгдэл, улсын нутаг дэвсгэрийн аюулгүй байдал, үнэт зүйл ба ёс суртахууны тодорхойлолт, тэдгээрийг дэлгэрүүлэх ажил, иргэд ба оршин суугчдын аюулгүй байдал, олон улсын гэрээ хэлэлцээрт нэгдэн орох ба иргэний үндсэн хуульт, ардчилсан төрийн үндсийг байгуулах зэргийн баталгаа мөн. <i>Үндсэн хуулийн 17-р зүйл</i>	+	Үндэсний Шилжилтийн Зөвлөл
91	Литва	Ерөнхийлөгч	Улсын Ерөнхийлөгч нь төрийн тэргүүн мөн. <i>Үндсэн хуулийн 77-р зүйл</i>		
92	Лихтенштейн	Хунтайж	Регент Хунтайж нь төрийн тэргүүн бөгөөд энэ Үндсэн хууль ба бусад хуулийн заалтуудад нийцүүлэн бүрэн эрхээ хэрэгжүүлнэ. <i>Үндсэн хуулийн 7-р зүйл</i>		
93	Люксембург	Их ван	Их ван нь төрийн тэргүүн, түүний эв нэгдлийн бэлгэдэл, улс үндэстний тусгаар тогтнолын баталгаа мөн. Тэрээр үндсэн хууль болон улсын бусад хуулиудад нийцүүлэн гүйцэтгэх эрх мэдлийг хэрэгжүүлнэ. <i>Үндсэн хуулийн 33-р зүйл</i>	+	
94	Маврикий	Ерөнхийлөгч	Ерөнхийлөгч нь Бүгд Найрамдах Улсын төрийн тэргүүн, ерөнхий командлагч байна. Ерөнхийлөгч нь Үндсэн хуулийг сахин хамгаалж, хууль дээдэлж, Маврикийн үндэсний эв нэгдлийг хадгалж, бэхжүүлнэ. <i>Үндсэн хуулийн 28-р зүйл</i>	+	

95	Мавритани	Ерөнхийлөгч	Ерөнхийлөгч нь Бүгд Найрамдах Улсын төрийн тэргүүн байна. Тэрээр муслим шашинтай байна. Ерөнхийлөгч нь улсын бие даасан, хараат бус байдал, нутаг дэвсгэрийн халдашгүй дархан байдлын баталгаа мөн. <i>Үндсэн хуулийн 23, 24-р зүйл</i>	+	
96	Мадагаскар	Ерөнхийлөгч	Ерөнхийлөгч нь улсын тусгаар тогтнол, газар нутгийн бүрэн бүтэн байдал, ард түмний эрх мэдэл, тогтвортой байдлын баталгаа байна. <i>Үндсэн хуулийн 45-р зүйл</i>	+	
97	Македон	Ерөнхийлөгч	Бүгд Найрамдах Македон Улсын Ерөнхийлөгч нь Бүгд Найрамдах Улсаа төлөөнө. Бүгд Найрамдах Македон Улсын Ерөнхийлөгч нь Зэвсэгт хүчний ерөнхий командлагч байна. Бүгд Найрамдах Улсын Ерөнхийлөгч Үндсэн хууль болон бусад хууль тогтоомжийн хүрээнд өөрийн үндсэн эрх, үүргийг гүйцэтгэнэ. <i>Үндсэн хуулийн 79-р зүйл</i>		
98	Малави	Ерөнхийлөгч	Ерөнхийлөгч нь төрийн тэргүүн, Засгийн газрын тэргүүн, Бүгд Найрамдах Малави Улсын зэвсэгт хүчний ерөнхий командлагч байна. <i>Үндсэн хуулийн 78-р зүйл</i>		
99	Малайз	Хаан	Хаан нь Холбооны улсын тэргүүн байх бөгөөд түүнийг Янг диПертуан Агонг гэж нэрлэнэ. Тэрээр Холбооны Улсын бусад хүмүүсээс дээд нэгэн бөгөөд 15-р хэсэгт заасны дагуу байгуулагдсан тусгай шүүхээс бусад шүүхийн өмнө хариуцлага хүлээхгүй. <i>Үндсэн хуулийн 32-р зүйл</i>		
100	Мали	Ерөнхийлөгч	Ерөнхийлөгч нь БНУлсын төрийн тэргүүн, үндсэн хуулийн сахин хамгаалагч байна. Ерөнхийлөгч нь үндэсний эв нэгдэл, тусгаар тогтнол, нутаг дэвсгэрийн бүрэн бүтэн байдал, ард түмний эрх мэдэл, төрийн тогтвортой байдлын баталгаа байна. Ерөнхийлөгч нь улсын гэрээ, олон улсын гэрээ хэлэлцээрийг хүндэтгэнэ. <i>Үндсэн хуулийн 29-р зүйл</i>	+	
101	Мальдив	Ерөнхийлөгч	б. Ерөнхийлөгч нь төрийн тэргүүн, засгийн газрын тэргүүн, зэвсэгт хүчний ерөнхий командлагч байна. в. Ерөнхийлөгч нь Үндсэн хуулиа сахин хамгаалж, дээдэлж, төрийн эв нэгдлийг хангана. <i>Үндсэн хуулийн 106-р зүйл</i>	+	
102	Мальт	Ерөнхийлөгч	Мальт Улсын парламент нь Ерөнхийлөгч, төлөөлөгчдийн танхимаас бүрдэнэ. Ерөнхийлөгч нь засгийн газрын тэргүүн байна. <i>Үндсэн хуулийн 51, 78-р зүйл</i>		

103	Марокко	Хаан	Марокко Улсын хаан нь Төрийн тэргүүн, Дээд төлөөлөгч, үндэсний эв нэгдлийн бэлэг тэмдэг, байнгын болон улсын дээд арбитрын тасралтгүй байдлын баталгаа бөгөөд иргэдийн эрх, эрх чөлөө, ардчилсан сонголтыг хамгаалж, үндсэн хууль, вант улсын олон улсад өгсөн амлалтыг хүндэтгэн үзнэ. <i>Үндсэн хуулийн 42-р зүйл</i>	+	
104	Маршаллын арлууд	Ерөнхийлөгч	Ерөнхийлөгч нь Бүгд Найрамдах Маршаллын арлуудын төрийн тэргүүн байна. <i>Үндсэн хуулийн 3 -р зүйл</i>		
105	Мексик	Ерөнхийлөгч	Холбооны гүйцэтгэх дээд эрх мэдлийг нэг хүн хэрэгжүүлэх бөгөөд тэрээр Мексикийн Нэгдсэн Улсын Ерөнхийлөгч байна. <i>Үндсэн хуулийн 80-р зүйл</i>		
106	Микронез	Ерөнхийлөгч	Ерөнхийлөгч нь Бүгд Найрамдах Улсын төрийн тэргүүн байна. Ерөнхийлөгч нь Бүгд Найрамдах Улсын засгийн газрын тэргүүн байна. <i>Үндсэн хуулийн 10-р зүйл</i>	+	
107	Мозамбик	Ерөнхийлөгч	Бүгд Найрамдах Улсын Ерөнхийлөгч нь төрийн тэргүүн бөгөөд үндэсний эв нэгдлийг илэрхийлж, улсаа дотоод болон олон улсын хэмжээнд төлөөлж, төрийн үйл ажиллагааг хянана. <i>Үндсэн хуулийн 146-р зүйл</i>	+	
108	Молдав	Ерөнхийлөгч	Бүгд Найрамдах Молдав Улсын Ерөнхийлөгч нь төрийн тэргүүн байна. Молдав Улсын Ерөнхийлөгч нь үндэсний тусгаар тогтнол, бие даасан байдал, нутаг дэвсгэрийн бүрэн бүтэн, нэгдмэл байдлын баталгаа болно. <i>Үндсэн хуулийн 77-р зүйл</i>	+	
109	Монако	Ханхүү	Хэмжээгүй эрхт хаан нь халдашгүй дархан бөгөөд гүйцэтгэх засаглалын тэргүүн байна. Хууль тогтоох эрх мэдэл нь ханхүү болон үндэсний зөвлөлд байна. <i>Үндсэн хуулийн 3, 4-р зүйл</i>		
110	Монгол	Ерөнхийлөгч	Монгол Улсын Ерөнхийлөгч бол төрийн тэргүүн, Монголын ард түмний эв нэгдлийг илэрхийлэгч мөн. <i>Үндсэн хуулийн 30-р зүйл</i>	+	
111	Мьянмар	Ерөнхийлөгч	Ерөнхийлөгч нь холбооны улсын тэргүүн, холбооны засгийн газрын тэргүүн байна. <i>Үндсэн хуулийн 16-р зүйл</i>		
112	Намиби	Ерөнхийлөгч	Ерөнхийлөгч нь төрийн тэргүүн, засгийн газрын тэргүүн, батлан хамгаалах хүчний ерөнхий командлагч байна. <i>Үндсэн хуулийн 27-р зүйл</i>		
113	Науру	Ерөнхийлөгч	Ерөнхийлөгч нь Засгийн газрын тэргүүн байна. <i>Үндсэн хуулийн 3-р бүлэг</i>		

114	Непал/Балба	Ерөнхийлөгч	Ерөнхийлөгч нь улс орны төрийн тэргүүн бөгөөд Үндсэн хууль, хүчин төгөлдөр хууль тогтоомжийн хүрээнд өөрийн эрх үүргээ хэрэгжүүлнэ. <i>Үндсэн хуулийн 36-а-р зүйл</i>		
115	Нигер	Ерөнхийлөгч	Бүгд Найрамдах Улсын Ерөнхийлөгч нь төрийн тэргүүн байна. Ерөнхийлөгч нь үндэсний тусгаар тогтнол, нутаг дэвсгэрийн бүрэн бүтэн байдал, үндэсний эв нэгдлийн баталгаа юм. Ерөнхийлөгч нь олон нийтийн эрх мэдэл, үйл ажиллагаа, төрийн залгамж халааг баталгаажуулна. <i>Үндсэн хуулийн 46-р зүйл</i>	+	
116	Нигери	Ерөнхийлөгч	Ерөнхийлөгч нь төрийн тэргүүн, холбооны засгийн газрын тэргүүн, зэвсэгт хүчний ерөнхий командлагч байна. <i>Үндсэн хуулийн 130-р зүйл</i>		
117	Нидерланд	Хаан	Хаан ширээг өв залгамжлах бөгөөд Уильям I, жонон Оранж-Нассагийн хууль ёсны өв залгамжлагчид залгамжлана. <i>Үндсэн хуулийн 24-р зүйл</i>		
118	Никарагуа	Ерөнхийлөгч	Гүйцэтгэх эрх мэдлийг Бүгд Найрамдах Улсын Ерөнхийлөгч хэрэгжүүлэх бөгөөд тэрээр улсын тэргүүн, Засгийн газрын тэргүүн болон Никарагуагийн армийн Дээд дарга байна. <i>Үндсэн хуулийн 144-р зүйл</i>		
119	Норвег	Хаан	Хаант улсын гүйцэтгэх эрх мэдэл хаанд байна. Хаан нь тэнгисийн цэргийн хүчний ерөнхий командлагч байна. <i>Үндсэн хуулийн 3, 9-р зүйл</i>		
120	Оман	Хаан	Эрхэм дээд хаан Султан нь зэвсэгт хүчний ерөнхий командлагч бөгөөд халдашгүй дархан байна. Түүний тушаалыг даган биелүүлж, хүндэтгэх үүрэгтэй. Султан нь үндэсний эв нэгдлийн бэлэг тэмдэг, сахин хамгаалагч байна. <i>Үндсэн хуулийн 41-р зүйл</i>	+	
121	ОХУ	Ерөнхийлөгч	Оросын Холбооны Улсын Ерөнхийлөгч нь төрийн тэргүүн байна. Ерөнхийлөгч нь Үндсэн хууль, иргэний эрх, эрх чөлөөний баталгаа байна. <i>Үндсэн хуулийн 80-р зүйл</i>		
122	Өмнөд Африк	Ерөнхийлөгч	Ерөнхийлөгч нь а. Бүгд Найрамдах Улсын төрийн тэргүүн байна; б. Бүгд Найрамдах Улсын дээд хууль болох Үндсэн хуулийг хүндэтгэн сахин хамгаалана; в. Бүгд Найрамдах Улсын үндэсний эв нэгдэл, тусгаар тогтнолыг хангана. <i>Үндсэн хуулийн 83-р зүйл</i>	+	

123	Өмнөд Солонгос	Ерөнхийлөгч	Ерөнхийлөгч нь төрийн тэргүүн бөгөөд гадаад улсад улсаа бүрэн эрхтэй төлөөлнө. Ерөнхийлөгч нь улсын тусгаар тогтнол, газар нутгийн бүрэн бүтэн байдал, Үндсэн хуулийг сахин хамгаалах үүрэгтэй. Ерөнхийлөгч өөрийн улсын энх тайван, эв нэгдлийн төлөө чин сэтгэлээр ажиллах үүрэгтэй. Төрийн гүйцэтгэх эрх мэдэл нь Ерөнхийлөгчийн тэргүүлэх Засгийн газарт хадгалагдана. <i>Үндсэн хуулийн 66-р зүйл</i>	+	
124	Өмнөд Судан	Ерөнхийлөгч	Ерөнхийлөгч нь 3/ Бүгд Найрамдах Өмнөд Судан Улсын Ерөнхийлөгч нь төрийн болон Засгийн газрын тэргүүн, Суданы ардын чөлөөлөх арми болон бусад бүх байнгын цэргийн дээд командлагч, тэргүүн юм. Ерөнхийлөгч нь ард түмний эв нэгдэл, хүслийг илэрхийлэх ба энэ нь Үндсэн хуулиар олгосон бүрэн эрхээр хэрэгжинэ. <i>Үндсэн хуулийн 97-р зүйл</i>	+	
125	Пакистан	Ерөнхийлөгч	Ерөнхийлөгч нь төрийн тэргүүн байх бөгөөд Бүгд найрамдах улсын эв нэгдлийн илэрхийлэл байна. <i>Үндсэн хуулийн 41-р зүйл</i>	+	
126	Палау	Ерөнхийлөгч	Ерөнхийлөгч нь Засгийн газрын тэргүүн байна. <i>Үндсэн хуулийн 8-р зүйл</i>		
127	Панам	Ерөнхийлөгч	Гүйцэтгэх эрх мэдлийг энэхүү Үндсэн хуульд заасны дагуу Бүгд Найрамдах Улсын Ерөнхийлөгч болон Төрийн сайд нар хэрэгжүүлнэ. <i>Үндсэн хуулийн 175-р зүйл</i>		
128	Папуа шинэ Гвиней	Цог жавхлант Элизабет II  Амбан захирагч	Хатан хаан 2-р Элизабет нь Папуа шинэ Гвиней болон хамтын нөхөрлөлийн орнуудын хатан хаан байна. Амбан захирагч нь тусгай ажилтан, ерөнхий сайд, сөрөг хүчний удирдагч, дэд ахлагч байна. <i>Үндсэн хуулийн 26, 82-р зүйл</i>		
129	Парагвай	Ерөнхийлөгч	Ерөнхийлөгч нь гүйцэтгэх засаглалын тэргүүн байна. <i>Үндсэн хуулийн 226-р зүйл</i>		
130	Перу	Ерөнхийлөгч	Бүгд Найрамдах Улсын Ерөнхийлөгч нь төрийн тэргүүн бөгөөд үндэстнийг төлөөлнө. <i>Үндсэн хуулийн 110-р зүйл</i>		
131	Польш	Ерөнхийлөгч	Ерөнхийлөгч нь Бүгд Найрамдах Польш Улсыг төлөөлөх хамгийн дээд төлөөлөгч, улсын удирдлага тасралгүй явагдах баталгаа мөн. Ерөнхийлөгч нь Үндсэн хуулийн хэрэгжилтийг хангаж, үндэсний тусгаар тогтнол, аюулгүй байдал, нутаг дэвсгэрийн бүрэн бүтэн байдлын баталгаа мөн. <i>Үндсэн хуулийн 126-р зүйл</i>		

132	Португал	Ерөнхийлөгч	Бүгд Найрамдах Улсын Ерөнхийлөгч нь Бүгд Найрамдах Португал Улсыг төлөөлж, үндэсний тусгаар тогтнол, төрийн эв нэгдэл, ардчилсан засаглалын институцийн тогтвортой байдлын баталгаа байх бөгөөд албан тушаалын дагуу зэвсэгт хүчний ерөнхий командлагч байна. <i>Үндсэн хуулийн 120-р зүйл</i>	+	
133	Руанда	Ерөнхийлөгч	1.Бүгд Найрамдах Улсын Ерөнхийлөгч нь төрийн тэргүүн байна. 2.Ерөнхийлөгч нь Үндсэн хууль, үндэсний эв нэгдлийн баталгаа юм. 3.Ерөнхийлөгч нь тусгаар тогтнол, нутаг дэвсгэрийн бүрэн бүтэн байдал, төрийн залгамж халааг баталгаажуулж, улсын болон олон улсын гэрээ хэлэлцээрийг хүндэтгэнэ. <i>Үндсэн хуулийн 98-р зүйл</i>	+	
134	Румын	Ерөнхийлөгч	Румын улсын Ерөнхийлөгч нь улсаа төлөөлөх бөгөд үндэсний тусгаар тогтнол, эв нэгдэл, газар нутгийн бүрэн бүтэн байдлын баталгаа юм. <i>Үндсэн хуулийн 80-р зүйл</i>	+	
135	Самоа	Ерөнхийлөгч	Төрийн тэргүүнийг Парламентаас сонгоно. Самоа улсын төрийн тэргүүн нь Ерөнхийлөгч буюу Засгийн газрын ахлагч (O le Ao o le Malo) байна.		
136	Сан-Марино	Капитан Регент	Төрийн тэргүүн нь хоёр Капитан Регент /Төр баригч ахмад/ байна. Капитан Регентууд нь үндэсний нэгдмэл улсыг төлөөлж, үндсэн хуулийн дээд баталгаа байна. <i>Үндсэн хуулийн 3-р зүйл</i>	+	
137	Сан-Томе ба Принсипи	Ерөнхийлөгч	Бүгд Найрамдах Улсын Ерөнхийлөгч нь төрийн тэргүүн, зэвсэгт хүчний ерөнхий командлагч, Сан-Томе Принсипи ардчилсан улсын тусгаар тогтнол, тогтвортой байдлын баталгаа байна. <i>Үндсэн хуулийн 73-р зүйл</i>	+	
138	Саудын Араб	Хаан	Хаан нь Шариатын хуулийн дагуу улсаа захирах бөгөөд улсын ерөнхий бодлого, батлан хамгаалах бодлогоо тодорхойлно. <i>Үндсэн хуулийн 55-р зүйл</i>		
139	Свазиланд	Хаан	Хаан iNgwenyama нь Свазиланд үндэсний үүрдийн мөнхийн эв нэгдлийн бэлэг тэмдэг юм. <i>Үндсэн хуулийн 4-р зүйл</i>	+	
140	Сейшелийн Арлууд	Ерөнхийлөгч	- Ерөнхийлөгчийн эрх зүйн байдлын хувьд зохицуулалт байхгүй. Харин Үндсэн хуульд заасан иргэн бүрийн үүрэгт / Үндсэн хуулийн 40.в-т/ тусгасан байна.		
141	Сенегал	Ерөнхийлөгч	Бүгд Найрамдах Улсын Ерөнхийлөгч нь Үндсэн хуулийг сахин хамгаална. Тэрээр Сенегалын хэл, соёлыг хадгалан хамгаалагч байна. Тэрээр үндэсний эв нэгдлийн баталгаа мөн. <i>Үндсэн хуулийн 42-р зүйл</i>	+	

142	Сент-Винсент ба Гренадин	Цог жавхлант Элизабет II  Амбан захирагч	Сент-Винсент ба Гренадин улсыг Амбан захирагч удирдах ба, түүнийг Цог жавхлант Хатан хаан өөрийн томилж, таалсан хугацаагаар Сент-Винсент ба Гренадин дахь хатан хааны төлөөлөгч мөн. <i>Үндсэн хуулийн 19-р зүйл</i>		
143	Сент-Китс ба Невис	Цог жавхлант Элизабет II  Амбан захирагч	Сент-Китс ба Невис улсыг Амбан захирагч удирдах ба, түүнийг Цог жавхлант Хатан хаан томилж, өөрийн таалсан хугацаагаараа ажиллуулах ба, тэрээр Сент-Китс ба Невис дахь Хатан хааны төлөөлөгч мөн. <i>Үндсэн хуулийн 21-р зүйл</i>		
144	Сент-Люсия	Цог жавхлант Элизабет II  Амбан захирагч	Сент-Люсия улсын Амбан захирагч удирдах ба, түүнийг Цог жавхлант Хатан хаан томилж, өөрийн таалсан хугацаагаараа ажиллуулах ба, тэрээр Сент-Люсия дахь Хатан хааны төлөөлөгч мөн. <i>Үндсэн хуулийн 19-р зүйл</i>		
145	Серби	Ерөнхийлөгч	Бүгд Найрамдах Серби Улсын Ерөнхийлөгч нь Серби улсын эв нэгдлийг илэрхийлэх ёстой. <i>Үндсэн хуулийн 111-р зүйл</i>	+	
146	Сингапур	Ерөнхийлөгч	1.Сингапурын Ерөнхийлөгч нь Төрийн тэргүүн байх бөгөөд энхүү Үндсэн хууль, бусад хуулийн дагуу түүнд олгосон эрх, чиг үүргийг хэрэгжүүлнэ. <i>Үндсэн хуулийн 17-р зүйл</i>		
147	Сири	Ерөнхийлөгч	Ерөнхийлөгч болон Ерөнхий сайд нь ард түмнээ төлөөлөж гүйцэтгэх эрх мэдлийг Үндсэн хуульд заасан хүрээнд хэрэгжүүлнэ. <i>Үндсэн хуулийн 83-р зүйл</i>		Төрийн тэргүүн хэн байх талаар тодорхой заалт байхгүй.
148	Словак	Ерөнхийлөгч	1.Словакийн төрийн тэргүүн нь Ерөнхийлөгч байна. Ерөнхийлөгч нь гадаадад болон дотоодод Бүгд Найрамдах Словак Улсыг төлөөлөх бөгөөд Үндсэн хуулийн институцийн үйл ажиллагааны тогтвортой ажиллагааг хангана. <i>Үндсэн хуулийн 101-р зүйл</i>		
149	Соломоны Арлууд	Цог жавхлант Элизабет II  Амбан захирагч	Цог жавхлант Хатан хаан нь төрийн тэргүүн байна. 27-р зүйл. Соломоны Арлуудын Амбан Захирагчийг Парламентаас нэр дэвшүүлж Төрийн тэргүүн томилох бөгөөд тэрээр Соломоны Арал дахь Хатан хааны төлөөлөгч байна. <i>Үндсэн хуулийн 16-р зүйл</i>		
150	Сомали	Ерөнхийлөгч	1/ Бүгд Найрамдах Ардчилсан Сомали Улсын Ерөнхийлөгч нь: а. Бүгд Найрамдах Ардчилсан Сомали улсын төрийн тэргүүн; б. Үндэсний эв нэгдлийн бэлгэ тэмдэг, в. Үндсэн хуулийг сахин биелүүлэгч, хамгаалагч байна. 2/ Бүгд Найрамдах Ардчилсан Сомали Улсын Ерөнхийлөгч Сомали улсын Үндсэн хууль болон бусад хууль тогтоомжийн дагуу өөрийн үүргийг гүйцэтгэнэ. <i>Үндсэн хуулийн 87-р зүйл</i>	+	

151	Судан	Ерөнхийлөгч	1. Бүгд Найрамдах улсын төрийн дээд удирдлага нь Ерөнхийлөгч болон хоёр дэд ерөнхийлөгчөөс бүрдэнэ. 2. Энх тайвны гэрээ, улс орны тогтвортой байдлыг хамгаалах, хэрэгжүүлэх зорилгоор төрийн дээд удирдлагыг хамтран хэрэгжүүлэх, хамтын шийдвэр гаргана. <i>Үндсэн хуулийн 52-р зүйл</i>	+	
152	Суринам	Ерөнхийлөгч	1. Бүгд Найрамдах Суринам Улсын Ерөнхийлөгч нь Засгийн газрын тэргүүн, Төрийн зөвлөл, Үндэсний аюулгүй байдлын зөвлөлийн тэргүүн байна. <i>Үндсэн хуулийн 90-р зүйл</i>		
153	Сьерра Леон	Ерөнхийлөгч	1. Сьера Леон Улсын Ерөнхийлөгч нь Бүгд Найрамдах Улсын Төрийн тэргүүн, Зэвсэгт хүчний дээд командлагч байна. 2. Ерөнхийлөгч шударга ёс, үндэсний эв нэгдэл, бүрэн эрхт байдлын бэлгэ тэмдэг байх ёстой. 3. Ерөнхийлөгч Үндсэн хуулийн баталгаа, үндэсний тусгаар тогтнол, нутаг дэвсгэрийн бүрэн бүтэн байдлыг батлан хамгаалах бөгөөд олон улсын гэрээг хүндэтгэнэ. <i>Үндсэн хуулийн 40-р зүйл</i>	+	
154	Тажикистан	Ерөнхийлөгч	Тажикистан Улсын Ерөнхийлөгч нь Төрийн болон гүйцэтгэх эрх мэдлийн (Засгийн газар) тэргүүн байна. Ерөнхийлөгч нь Үндсэн хууль болон бусад хуулийг үйл ажиллагаандаа мөрдлөгө болгон иргэн, хүний эрх, эрх чөлөө, үндэсний тусгаар тогтнол, эв нэгдэл, нутаг дэвсгэрийн бүрэн бүтэн байдлыг ханган ажиллана. <i>Үндсэн хуулийн 64-р зүйл</i>	+	
155	Тайланд	Хаан	Тайланд нь ардчилсан дэглэм бүхий улс бөгөөд төрийн тэргүүн нь Хаан байна. <i>Үндсэн хуулийн 2-р зүйл</i>		
156	Танзани	Ерөнхийлөгч	2. Ерөнхийлөгч төрийн тэргүүн, Засгийн газрын тэргүүн, Зэвсэгт хүчний ерөнхий командлагч байна. <i>Үндсэн хуулийн 33-р зүйл</i>		
157	Того	Ерөнхийлөгч	Бүгд Найрамдах Улсын Ерөнхийлөгч нь төрийн тэргүүн байна. Ерөнхийлөгч нь Үндсэн хууль болон олон улсын гэрээ, хэлэлцээрүүдийг даган мөрдөж, нутаг дэвсгэрийн бүрэн бүтэн байдал, үндэсний эв нэгдэл, тусгаар тогтнолын баталгаа байна. <i>Үндсэн хуулийн 58-р зүйл</i>	+	
158	Тонга	Хаан	Хаант Улсын төрийн байгуулалт нь Үндсэн хуульт хаант засагтай бөгөөд Эрхэмсэг дээд Хаан Тауфаахау Тупоу IV-ийн өв залгамжлагч нь хаан ширээг залгамжилна. <i>Үндсэн хуулийн 31-р зүйл</i>		

159	Төв Африкийн Бүгд Найрамдах улс	Шилжилтийн үеийн төрийн тэргүүн	23.Шилжилтийн үеийн төрийн тэргүүн нь шилжилтийн хугацаанд Шилжилтийн Үндэсний Зөвлөлөөс сонгогдоно. 24. ...Бүгд Найрамдах Улсын оршин тогтнол, тусгаар тогтнол, нутаг дэвсгэрийн бүрэн бүтэн байдлыг батлан хамгаалж, энхтайван, ард түмний эв нэгдлийг бэхжүүлж... ажиллахаа Бурханы өмнө, ард түмнийхээ өмнө шударгаар батлан тангаргалаа. <i>Үндсэн хуулийн 23, 24-р зүйл</i>	+	
160	Тринидад Тобаго	Ерөнхийлөгч	Тринидад Тобаго нь энэ бүлэгт заасан дагуу сонгогдсон Ерөнхийлөгчтэй байх бөгөөд Ерөнхийлөгч нь төрийн тэргүүн, Зэвсэгт хүчний ерөнхий командлагч байна. <i>Үндсэн хуулийн 22-р зүйл</i>		
161	Тувалу	Цог жавхлант Элизабет II  Амбан захирагч	-Цог жавхлант Хатан хаан нь төрийн тэргүүн байна. -Амбан захирагч нь Хатан хааны төлөөлөгч байна. -Тувалу улсын Амбан захирагчийг түүнийг Цог жавхлант Хатан хаан Ерөнхий сайд болон Парламентын гишүүдтэй зөвлөлдөн томилж, өөрийн таалсан хугацаагаараа ажиллуулна. <i>Үндсэн хуулийн 48, 54, 55-р зүйл</i>		
162	Тунис	Ерөнхийлөгч	Бүгд Найрамдах Улсын Ерөнхийлөгч нь төрийн тэргүүн бөгөөд ард түмний эв нэгдлийн бэлэг тэмдэг юм. Тэрээр Үндсэн хуулийг хүндэтгэн өөрийн хараат бус байдал, залгамж чанарыг баталгаажуулна. <i>Үндсэн хуулийн 72-р зүйл</i>	+	
163	Турк	Ерөнхийлөгч	Турк Улсын Ерөнхийлөгч нь төрийн тэргүүн байна. Энэ утгаараа БНТУлсын болон Турк үндэстний эв нэгдлийг төлөөлнө. Ерөнхийлөгч нь Үндсэн хуулийн хэрэгжилт, төрийн байгууллагуудыг тогтвортой, уялдаатай ажиллахад хяналт тавина. <i>Үндсэн хуулийн 104-р зүйл</i>	+	
164	Туркменистан	Ерөнхийлөгч	Туркменистаны Ерөнхийлөгч нь төрийн болон гүйцэтгэх эрх мэдлийн тэргүүн бөгөөд Туркменистаны хамгийн дээд албан тушаалтан юм. Ерөнхийлөгч нь Үндсэн хуулийг хүндэтгэн биелүүлж, төрийн бие даасан байдлын баталгаа, Туркменистан улсын нутаг дэвсгэрийн бүрэн бүтэн байдал, олон улсад хүлээсэн үүргээ биелүүлэн төвийг сахин ажиллана. <i>Үндсэн хуулийн 50-р зүйл</i>	+	
165	Уганда	Ерөнхийлөгч	Уганда улсын Ерөнхийлөгч нь төрийн тэргүүн, Засгийн газрын тэргүүн, Ардын Батлан хамгаалах хүчний ерөнхий командлагч, шударга ёсны илэрхийлэл болно. <i>Үндсэн хуулийн 98-р зүйл</i>		

166	Узбекистан	Ерөнхийлөгч	Бүгд Найрамдах Узбекистан Улсын Ерөнхийлөгч бол төрийн тэргүүн бөгөөд төрийн эрх мэдлийн нэгдмэл үйл ажиллагаа, төрийн байгууллагуудын харилцан уялдааг хангана. <i>Үндсэн хуулийн 89-р зүйл</i>		
167	Украин	Ерөнхийлөгч	Украин Улсын Ерөнхийлөгч нь төрийн тэргүүн бөгөөд түүний нэрээр ажилладаг. Украины Ерөнхийлөгч нь Үндсэн хуулийг дээдлэн улсынхаа нутаг дэвсгэрийн бүрэн бүтэн байдлыг сахин хамгаалж, тусгаар тогтнол, хүний болон иргэдийн эрх, эрх чөлөөг хангах баталгаа юм. <i>Үндсэн хуулийн 102-р зүйл</i>		
168	Унгар	Ерөнхийлөгч	Унгарын төрийн тэргүүн нь Улсын Ерөнхийлөгч мөн. Тэрээр үндэстний эв нэгдлийн биелэл, төрийн засаглалын ардчилсан үйл ажиллагааг хамгаалагч мөн. <i>Үндсэн хуулийн 9-р зүйл</i>	+	
169	Уругвай	Ерөнхийлөгч	Гүйцэтгэх эрх мэдлийг энэ хэсэг болон бусад холбогдох заалтад заасны дагуу Ерөнхийлөгч холбогдох сайд нарын хамт, эсхүл сайд нарын танхимтай хамтран хэрэгжүүлнэ. <i>Үндсэн хуулийн 149-р зүйл</i>		
170	Фижи	Ерөнхийлөгч	Ерөнхийлөгч бол төрийн тэргүүн бөгөөд Төрийн гүйцэтгэх эрх мэдэл Ерөнхийлөгчид олгогдоно. <i>Үндсэн хуулийн 81-р зүйл</i>		
171	Филиппин	Ерөнхийлөгч	Ерөнхийлөгч нь гүйцэтгэх засаглалын тэргүүн байна. <i>Үндсэн хуулийн 7-р бүлэг</i>		
172	Финланд	Ерөнхийлөгч	Ерөнхийлөгчийг бүх нийтийн сонгуулиар 6 жилийн хугацаатай сонгоно. <i>Үндсэн хуулийн 54-р зүйл</i>		Төрийн тэргүүн хэн байх талаар тодорхой заалт байхгүй.
173	Франц	Ерөнхийлөгч	Ерөнхийлөгч Үндсэн хуулийн биелэлтэд хяналт тавина. Ерөнхийлөгч төрийн байгууллагын хэвийн үйл ажиллагаанд хөндлөнгөөс хяналт тавьж төрийн залгамж чанарыг хангана. Ерөнхийлөгч нь үндэсний тусгаар тогтнол, нутаг дэвсгэрийн бүрэн бүтэн байдал, олон улсын гэрээний биелэлтийн баталгаа мөн. <i>Үндсэн хуулийн 5-р зүйл</i>	+	
174	Хойд Солонгос	Дээд удирдагч	Бүгд Найрамдах Ардчилсан Солонгос Ард Улсын Төрийн дээд эрх мэдэл Ардын Их Хуралд байна. <i>Үндсэн хуулийн 87-р зүйл</i>		Төрийн тэргүүн хэн байх талаар Үндсэн хуульд заагаагүй.
175	Холбооны Бүгд Найрамдах Бразил улс	Ерөнхийлөгч	Гүйцэтгэх эрх мэдлийг Холбооны Засгийн газрын сайд нарын дэмжлэгтэйгээр Бүгд Найрамдах Улсын Ерөнхийлөгч хэрэгжүүлнэ. <i>Үндсэн хуулийн 76-р зүйл</i>		

176	Хорват	Ерөнхийлөгч	Ерөнхийлөгч нь дотоод болон гадаадад Бүгд Найрамдах Хорват улсыг төлөөлнө... <i>Үндсэн хуулийн 94 -р зүйл</i>		Төрийн тэргүүн хэн байх талаар тодорхой заагаагүй.
177	Чад	Ерөнхийлөгч	Бүгд Найрамдах улсын Ерөнхийлөгч нь төрийн тэргүүн байна. Ерөнхийлөгч нь улсын тусгаар тогтнол, хараат бус бие даасан байдал, нутаг дэвсгэрийн бүрэн бүтэн байдал, ард түмний эв нэгдлийн батлан даагч бөгөөд олон улсын гэрээг хүндэтгэн биелүүлнэ. <i>Үндсэн хуулийн 60-р зүйл</i>	+	
178	Чили	Ерөнхийлөгч	Бүгд Найрамдах улсын Ерөнхийлөгч нь Төрийн захиргаа, удирдлагыг хэрэгжүүлэх бөгөөд Төрийн тэргүүн байна. <i>Үндсэн хуулийн 24-р зүйл</i>		
179	Чрна Гора /Монтенегро/	Ерөнхийлөгч	Монтенегро улсыг Монтенегро улсын ерөнхийлөгч төлөөлнө. <i>Үндсэн хуулийн 11-р зүйл</i>		
180	Швед	Хаан	Хаан ширээ залгамжлах хуулийн дагуу Шведийн хаан ширээнд заларсан Хаан болон Хатан хаан төрийн тэргүүн байна. <i>Үндсэн хуулийн 5-р зүйл</i>		
181	Швейцар	Ерөнхийлөгч	-Холбооны Ерөнхийлөгч нь Холбооны зөвлөлийг даргална. Холбооны зөвлөлийн Ерөнхийлөгч болон Дэд ерөнхийлөгчийг Холбооны Зөвлөлийн гишүүд дундаас Холбооны хурал буюу Парламент нь 1 жилийн хугацаагаар сонгоно. -Холбооны зөвлөл нь Холбооны Улсын төрийн дээд эрх барих, гүйцэтгэх байгууллага байна. <i>Үндсэн хуулийн 176, 174-р зүйл</i>		
182	Шинэ Зеланд	Цог жавхлант Элизабет II  Амбан захирагч	-2-р Элизабет хатан хаан нь Шинэ Зеланд болон түүний хамтын нөхөрлөлийн орон, нутаг дэвсгэрийн тэргүүн байна. -Шинэ Зеланд улсыг Амбан захирагч удирдах ба, түүнийг Цог жавхлант Хатан хаан томилж, өөрийн таалсан хугацаагаараа ажиллуулна. <i>Үндсэн хуулийн 2-3-р зүйл</i>		
183	Шри Ланк	Ерөнхийлөгч	1. Шри Ланк Улсын Ерөнхийлөгч нь улсын төрийн тэргүүн, гүйцэтгэх болон Засгийн газрын тэргүүн байх бөгөөд Зэвсэгт хүчний ерөнхий командлагч байна. <i>Үндсэн хуулийн 30-р зүйл</i>		
184	Эквадор	Ерөнхийлөгч	Улсын Ерөнхийлөгч нь Засгийн газрын гүйцэтгэх салбарыг тэргүүлэх ба, Төр болон Засгийн газрын тэргүүн, төрийн удирдлагыг хангагч мөн. <i>Үндсэн хуулийн 141-р зүйл</i>		

185	Экваторын Гвиней	Ерөнхийлөгч	Улсын ерөнхийлөгч нь төрийн тэргүүн мөн. Тэрээр улс үндэстний нэгдлийн бэлгэдэл бөгөөд үндэстнийг төлөөлнө. <i>Үндсэн хуулийн 31-р зүйл</i>	+	
186	Эл Сальвадор	Ерөнхийлөгч	Улсын ерөнхийлөгч, дэд ерөнхийлөгч, төрийн сайдууд болон дэд сайдууд, тэдгээрийн албадууд нь гүйцэтгэх засаглалыг бүрдүүлнэ. <i>Үндсэн хуулийн 140-р зүйл</i>		Тодорхойлолт байхгүй
187	Энэтхэг	Ерөнхийлөгч	52-р зүйл. Энэтхэг Улс нь Ерөнхийлөгчтэй байна. 53-р зүйл. Холбооны гүйцэтгэх эрх мэдлийг Ерөнхийлөгч шууд, эсхүл Үндсэн хуульд заасан захирагдагчаар дамжуулан хэрэгжүүлнэ. <i>Үндсэн хуулийн 52, 53-р зүйл</i>		
188	Эритри	Ерөнхийлөгч	Эритрийн Ерөнхийлөгч бол төрийн болон Эритрийн Засгийн газрын тэргүүн, Эритрийн Батлан хамгаалах хүчний командлагч мөн. <i>Үндсэн хуулийн 39-р зүйл</i>		
189	Эстони	Ерөнхийлөгч	Улсын Ерөнхийлөгч бол Эстоний төрийн тэргүүн мөн. <i>Үндсэн хуулийн 77-р зүйл</i>		
190	Этиоп	Ерөнхийлөгч	Этиопийн Холбооны Ардчилсан Улсын Ерөнхийлөгч бол төрийн тэргүүн мөн. <i>Үндсэн хуулийн 69-р зүйл</i>		
191	Ямайка	Цог жавхлант Элизабет II  Амбан захирагч	1. Ямайкиг Амбан захирагч удирдах ба, түүнийг Цог жавхлант Хатан хаан томилж, өөрийн таалсан хугацаагаараа ажилуулах ба, тэрээр Ямайка дахь хатан хааны төлөөлөгч мөн. <i>Үндсэн хуулийн 27-р зүйл</i>		
192	Япон	Эзэн хаан	Эзэн хаан бол төрийн болон ард түмний эв нэгдлийн бэлгэ тэмдэг бөгөөд түүний байр суурь нь халдашгүй дархан байдлыг өөртөө хадгалах ард түмний хүслээс үүснэ. <i>Үндсэн хуулийн 1-р зүйл</i>	+	